
MEĐUNARODNA KONFERENCIJA
Konsekvence biopolitike u Bosni i Hercegovini
(srijeda, 16. oktobar 2024. godine)

KONFERENCIJA
Budućnost univerziteta i pozicija društvenih i humanističkih nauka
(četvrtak, 17. oktobar 2024. godine)

Poziv za Konferencije i dostavljanje sažetaka

Poštovane/i,

Univerzitet u Sarajevu i redakcija *Pregleda: časopisa za društvena pitanja* organiziraju dvije konferencije:

- Međunarodnu konferenciju ***Konsekvence biopolitike u Bosni i Hercegovini*** i
- Konferenciju ***Budućnost univerziteta i pozicija društvenih i humanističkih nauka***.

Međunarodna konferencija ***Konsekvence biopolitike u Bosni i Hercegovini*** će odgovoriti na problemsko pitanje o polazištima, strukturi i konsekvencama biopolitičkog diskursa na prostoru Bosne i Hercegovine i okruženja. U tome se trebaju ostvariti odgovori koji su potrebni za potpuno razumijevanje cjelokupnog povjesnog procesa etno-politike, politike i ideološkog hegemonizma velikodržavnih projekata, odnosno svodenja ljudskih života na objekte u tehnološkom i ciničko-političkom manipuliranju tim životima.

Konferencija ***Budućnost univerziteta i pozicija društvenih i humanističkih nauka*** će problematizirati položaj i budućnost Univerziteta i društvenih i humanističkih nauka u aktualnom povijesnom trenutku. Cjelokupan tok 20. stoljeća s naglašenom neoliberalnom kapital-agendom kao da se reducira na study STEAM (Science, Engineering, Technology and Mathematics) kao jedini model obrazovanja koji sav povijesni sadržaj humanističkog i društveno-znanstvenog znanja i iskustva svodi na “social engineering” ili “data analysis”. Da li će humanističke i društvene znanosti biti potisnute ili će jednostavno znanost biti svedena na korisnu racionalnost? Ko će onda “predviđati” nadolazeće opasnosti i upozoravati na društvene katastrofe? Ko će razvijati društvenu svijest ljudi? Kako će ljudi znati šta im se dešava u povijesnom procesu kojem pripadaju? Šta će najzad biti s univerzitetom u upravljanoj neoliberalnoj društvu pod hegemonijom kapital-agende? Ova i mnoga druga pitanja ostaju izazov za sve nas.

Na konferencijama je predviđeno učešće istaknutih naučnih djelatnika Univerziteta u Sarajevu, univerziteta iz Bosne i Hercegovine, Hrvatske, Crne Gore, Srbije, Kosova.

Konferencije će biti održane u prostorijama Rektorata Univerziteta u Sarajevu (Obala Kulina bana 7/II, 71000 Sarajevo) i putem platforme za online komunikacije.

Pozivamo Vas da sudjelujete na Konferencijama sa svojim naučnim/stručnim radovima, te da najkasnije do 30. 09. 2024. godine dostavite **sažetak** na b/h/s jeziku i engleskom jeziku (500 - 600 riječi u trećem licu sa potpunim kontakt podacima: ime i prezime autora/ice i profesija; naziv institucije u kojoj radi; e-mail adresa autora/ice;) koji ćete prezentirati na Konferenciji. Predloženi radovi trebaju biti u skladu sa temom Konferencija, a dužina trajanja usmene prezentacije može biti max 15 min.

Redakcija **Pregleda** će pregledati svaki sažetak i procijeniti njegovu relevantnost za Konferenciju.

Gotovi radovi će biti objavljeni u **Pregledu: časopisu za društvena pitanja** nakon završetka Konferencije kako u printanom obliku, tako i u elektronskom obliku na linku <https://pregled.unsa.ba/index.php/pregled/index>.

U radovima koje objavljujemo u **Pregledu** poštuje se jezik autora (bosanski, hrvatski, srpski, crnogorski i engleski), kao i pismo teksta (latinica ili ćirilica).

Sažetke možete slati na e-mail adresu izdavacka.djelatnost@unsa.ba (kontakt osoba: Fuada Muslić-Haseta, prof, sekretar Redakcije, tel: ++387 33 565 122).

S poštovanjem!

U ime Redakcije *Pregleda: časopisa za društvena pitanja*

**Prof. dr. Senadin Lavić, s. r.
Glavni i odgovorni urednik**